



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 16. De primo Christi miraculo in nuptijs facto.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO XVI.
DE PRIMO CHRISTI
MIRACULO IN NVPTIIS FACTO.
PVNCTA MEDITATIONIS.

- I. *Inuitatus fuit Christus cum discipu- Ioan. 2.
lis suis ad nuptias; eratque ibi Mater
eius.*
- II. *Deficiente vino Mater eum monuit:
Vinum non habent: simulq; ministris
præcepit: Quodcunq; dixerit facite.*
- III. *Aquam in Vinum Dominus conuer-
tit; & crediderunt in eum discipuli
eius.*

F I G V R A E.

DEVS primas nuptias instituit in pa- *Gen. 2.*
radiso terrestri, in quibus post crea-
tionem vniuersi primum miraculum fe-
cit, conuertendo costam Adami in mu-
lierem, quam ipsi Adamo tradidit in
Sponsam.

D O C V M E N T A.

1. **S**I B. Virgo tam est misericors, & tam prö-
spera ad subleuandam alienam inopiam,
vt antequam rogaretur, nec vrgente ad-
huc

huc vlla necessitate præoccupauerit precibus Filium pro vini defectu : quanta fiducia freti esse debemus de certo ab ea auxilio in nostris necessitatibus spiritualibus obtinendo , si in orationibus nostris deuotè ad eã refugiamus?

2. In nuptijs Sanctorum, in quibus Christus cum castissima matre sua inuenitur, deficit vinum, vt indicetur , ijs in nuptijs minimè inueniri Christum & sanctissimam eius matrẽ, vbi non deficit, sed abundat vinum inordinatæ latitiæ, & illecebrarum carnalium , quæ animas inebriant, & obliuionẽ Dei inducunt.

3. Christus matri miraculum petenti durum respõsum dedit, indicans in rebus ad cultum diuinum, & gloriam Dei spectantibus nõ esse ducendam Patris & matris rationem, neque plus debere nos esse de parentibus nostris sollicitos, quàm patiatur status nostræ professionis.

4. B. Virgo, responso duro non deterrita, ministris commendat, vt facerent quicquid Christus illis imperasset, vnde discimus diuinæ benignitati nunquã diffidendum. Et quãuis dũ in precibus aliquid ab eo postulamus, videatur nobis respondere durius, nec annuere statim postulatis, tamen cum B. Virgine debemus bene sperare, & cum fiducia eius misericordiam expectare.

5. Nuptiæ factæ sunt in Cana Galilææ, Cana, interpretatur, zelus, & significat feruorem caritatis. Galilæa interpretatur transmigratio, & transitus. Illi ergo digni sunt, vt affideant Christo in nuptijs, qui diuini amoris zelo; & caritatis ardore flagrãtes, abiectis malis operibus; à vitijs ad virtutes, à statu culpæ ad gratiam, ab amore rerum terrenarum ad desiderium cælestium transmigrarunt.

6. Ad

6. Ad B. Virginis preces hydriæ impletæ sunt aqua, quam postea Dominus conuertit in vinum. O quoties clementissima Dei mater compatiens peccatorum miserię precibus suis impetrat, vt dura eorum corda impleantur amarissimis contritionis lachrymis, quas postea Dominus, sublata culpa, & collata gratia, in suauissimum caritatis, diuinarumque consolationis vinum conuertit!

7. *Omnis homo, inquit sponsus, primum bonum vinum ponit, deinde quod deterius est.* Hic mundus defraudator, est peruersus ille hospes, qui suis amatoribus initio præbet bonum vinum, dum eis omnes huius vitæ voluptates, amores & delicias exhibet, quæ tandem terminantur in æternam amaritudinem, sicut scriptum est. *Ducunt in bonis dies suos, & in puncto ad inferna descendunt.* Contra, Christus est, qui bonum vinum reseruat in finem. Nam in hac vita seruis suis immittit multas afflictiones & tribulationes secundum illud, *Arcta est via qua ducit ad vitam,* gaudia verò & cōsolationes reseruat in alteram, vbi illis perfruentur in æternum. Iob. 21. Matt. 7.



MEDITATIO XVII.
DE FUGATIS E TEM-
PLO NEGOTIATORIBVS.

PVNCTA MEDITATIONIS.

I. *Eiecit de templo vendentes & ementes: facto de funiculis flagello.* Ionn. 2.

C 4

II. Num-